

աշխատավոր դյուղացին ու արհեստավորը Ահա ժողովրդական երգերից մի հատված.

«Թիփի-բորան մութ գիշերին,
Կը պըտըտեր ֆիդային.
Պատրոնտաշը խաշկապ թալուկ
Վիզն ի հրացան Մոսինի:

Հայ ֆիդային, ջան ֆիդային,
Ձեզ խետ տարեք զ՛իմ բալին,
Ձեզ խետ կովի, ձեզ խետ մեռնի
Ազգին ղուրպան զ՛իմ բալին»... և այլն:

Սասունի հայերի ինքնապաշտպանական կոիվներին անդրադառնալով, ֆրանսիական պառլամենտի 1904 թ. հունիսի 9-ի նիստում դեպուտատ Ֆր. Պրեսանսեն իրավացիորեն նշում էր, որ հայերը գրեթե անզեն էին՝ «Բայց դրանք այն կոիվներն են, առանց որոնց ոչ մի ժողովուրդ չի կարող նվաճել իր գոյություն իրավունքը: Նրանք կռվեցին մի ամբողջ ամիս, առանց տանելու հաղթանակը, որն անհնարին էր»²⁶, նրանք զգում էին իրենց և կառավարության ուժերի ահեղի տարբերությունը, բայց հարազատ ժողովրդի հանգեպունեցած սերը, որ «բնական աղբյուրի մը նման վճիտ ու անխաղախ կծալթբեր իրենց պարզ մարդու սրտեն», մղում էր նրանց՝ մեկով դուրս գալու թըշնամու հարյուրի դեմ»²⁷:

Չարիքի դեմ ըմբոստանալու պատմական անխուսափելիության մասին Ստ. Շահումյանը գրում էր. «Թող չասեն... որ լինում են պայմաններ, երբ կոիվը անհնարին է, կամ անմիտ բան է: Չկա այն զորեղ թշնամին, որի դեմ կոիվը անհնարին լինի, չկա այն բռնությունը, անարդարությունը, որի դեմ բոլորը անմիտ բան լինի: Կովոդն այն դեպքում չի կովում միայն, երբ նա համոզված է, որ ինքը կհաղթի, նա չի կովում միայն հաղթելու համար: Նա կովում է, որովհետև չի կարող չկովել. նա կովում է երբեմն մեռնելու համար»²⁸:

4. ԱԶԱՏԱԳՐԱԿԱՆ ՇԱՐԺՄԱՆ ԱՐՁԱԿԱՆՔՆԵՐԸ ԵՎ ՓԱՂԱՔԱԿԱՆ ՇՐՋԱՆՆԵՐԻ ԴԻՐՔՈՐՈՇՈՒՄԸ

Միջազգային հասարակական կարծիքը համակրանքով էր վերաբերվում հայկական ազատագրական շարժմանը:

Խաղաղության միջազգային բյուրոն Բեռնում (Շվեյցարիա) դեռևս 1901 թ. սկզբին հասարակայնության և քաղաքական շրջանների ուշադրությունը հրավիրեց Հայկական հարցի վրա: Դիմելով Բեռլինի պայմանագրին ստորագրած վեց պետությունների կառավարություններին, Բյուրոն հիշեցնում էր 61-րդ հոդվածով նախատեսված բարենորոգումները Հայաստանում կենսագործելու անհրաժեշտության մասին: Սոցիալիստական կուսակցությունների կենտրոնական օրգաններն իրենց հերթին կոչ էին անում բոլոր երկրների բանվորներ-

26 «Գրոշակ», № 6, 1904:

27 «Զորավար Սմբատի հուշերը», հ. Ա, Փարիզ, 1936, էջ 223:

28 Ստ. Շահումյան, ԵԺԺ, հ. 1, էջ 37—38:

րին և աշխատավորությանը՝ «հարց բարձրացնել իրենց երկրների պառլամենտների առջև ի նպաստ բազմաշառլար հայ ժողովրդի»²⁹,

Որոշակի դեր խաղացին սոցիալիստական ինտերնացիոնալի միջազգային Բյուրոյի հրատարակած շրջաբերականները, որոնց մեջ մերկացվում էր սուլթանական կառավարության ջարդարարական քաղաքականությունը:

Փարիզում, Լոնդոնում, Բրյուսելում, Հոտմում և այլ կենտրոններում, մամուլի էջերում և պառլամենտական ամբիոններից կրկին լսվում էին ճառեր, ելույթներ, հարցապնդումներ կառավարություններին՝ սուլթանական Թուրքիայի լծի տակ տառապող և իր մարդկային իրավունքների համար պայքարող հայ ժողովրդի պաշտպանության օգտին: Իրենց բողոքի ձայնն էին բարձրացնում ֆրանսիական ականավոր սոցիալիստներ Ժան Ժորեսը, Ֆրենսիս դը Պրեսանսեն, Անատոլ Ֆրանսը, Պիեռ Բիյարը, Վիկտոր Բերարը և մի շարք պետական գործիչներ:

Հայաստանում միտինգներ կազմակերպվեցին Լոնդոնում, ինչպես և Փարիզում, Բրյուսելում, Վիեննայում, Բեռլինում, Բեռնում, Հոտմում:

1902 թ. հուլիսի 4—7-ը Բրյուսելում կայացավ միջազգային կոնֆերանս, որը հրավիրվել էր հայկական և մակեդոնական հարցերի պաշտպանությամբ եվրոպայում հանդես եկող առաջադեմ հասարակական, քաղաքական ու գիտական գործիչների նախաձեռնությամբ: Առաջին անգամ տարբեր ազգերի 150 ներկայացուցիչներ ընդհանուր ջանքերով փորձում էին միջազգային հասարակական կարծիքը կազմակերպված շարժման վերածել՝ ի պաշտպանություն Հայկական հարցի արդարացի լուծման, պահանջելով սեփական կառավարություններից՝ հարգել միջազգային պայմանագրերով ստանձնած պարտավորությունները, ստիպել սուլթանին՝ կատարելու բարենորոգումները կենսագործելու մասին տված խոստումները: Կոնֆերանսին մասնակցում էին Ժան Ժորեսը, Ֆրենսիս դը Պրեսանսեն, Պիեռ Բիյարը և ուրիշներ:

«Մենք բոլորս հանցապարտ ենք հայերի առաջ, — ասել է Ժորեսը իր ելույթում: — Ամոթ է կառավարությունների անգործությունը պատրվակ բերել... Եթե եվրոպական ազգերն անկեղծ ոգևորվին հայերին օգնելու զաղափարով, կառավարությունները չէին հապաղի նրանց հետևելու»³⁰, Կոնֆերանսն ընդունեց Ժորեսի առաջարկած բանաձևը: Կազմվեց միջազգային մի հանձնաժողով՝ Հայկական հարցը պաշտպանելու համար, որի մեջ մտան՝ Ֆր. Պրեսանսեն, Սամբան, Բեբելը, Զ. Բրայսը, էներիկո Ֆերրին և ուրիշներ:

Մասունի իրադարձությունների նախօրյակին ժնկում «Վիկտորիա հոլ» խոշոր հանդիսատեսում մեծ բազմության առաջ հրապարակային դասախոսությամբ հանդես եկավ Պրեսանսեն, դրվատելով հայ ազգային-ազատագրական շարժման ազնիվ նպատակները և հերոսական էջերը, ընդգծելով նրա ինտերնացիոնալ բնույթն ու նշանակությունը, վկայակոչելով Ադրիանապոլսի մահապարտների օրինակը³¹:

²⁹ «Генерал...», стр. 146; Տես նաև Մ. Սերոբյան, Մեր պայքարը... էջ 194:

³⁰ «Մուրն», № 7, 1902, էջ 238:

³¹ 1901 թ. ամռանը, Ադրիանապոլսից ոչ հեռու, մակեդոնական և հայ հայդուկների փոքրաթիվ մի ջոկատ Բուլղարիայի տերիտորիայից անցնելով Մակեդոնիա, հերոսաբար մարտնչել էր Թուրքական մի ջոկուց հեծնազորի և երկու վաշտ հետևակային զորամասերի դեմ: Կոմիտեի մահով բնկել էին հայդուկներից վեց հոգի: Սաղազամ Փյուլուկ Սալիզ փաշան զաղախաբար դատաւտան էր տեղի դերի բնկած չորս հայրենասիրների հետ, ձգտելով սաղմի մեջ խնդ-

Հայ ազատագրական շարժման հերոսական զրվագները նկատի ունենալով, Հայկական հարցի պաշտպանությանը նվիրված Բրյուսելի համերաշխության միտինգում արտասանած իր ճառում Ժան Ժորեսը հույս էր հայտնում, որ Ֆրանսիան գործնական քայլեր կանի «Եվրոպայի հանրային կարծիքը հավաքական գործունեության հրավիրելու» ուղղությամբ, որ տվյալ պահին «Ֆրանսիայի դիրքից է կախված նաև Ռուսաստանի դիրքը»: Ֆրանսիական կառավարության գործելակերպում նկատելի էր հակասովթանական որոշակի շեշտ այն օրերից ի վեր, երբ ֆրանսիական բանկիրների շահերի թելադրանքով 1901 թ. իբրև հակաթուրքական ցույց ռազմանավեր ուղարկվեցին էգեյան ծովի կեսրոս և Մելիտինե կղզիները:

Աստուծի իրադարձությունների օրերին ֆրանսիական պառլամենտի ամբիոնից Պրեսանսեն պահանջում էր կառավարությունից վճռական քայլեր անել ստիպելու սովյանին՝ հարգել միջազգային պարտավորությունները: «Ֆրանսիական ռազմական նավատորմը,— ասում էր նա,— միայն բանկիրների շահերի պաշտպանության համար չէ, այլ ավելի լուրջ գործերի համար»: Հայերին պաշտպանելու անհրաժեշտության մասին իր ճառում նշեց նաև ֆրանսիայի նախկին արտաքին գործերի մինիստր, նշանավոր քիմիկոս Բերտոլեն:

Հայկական հարցի համաեվրոպական պրոպագանդան զգալի չափով ցրեց մինչ այդ եվրոպայում հայ ժողովրդի մասին տարածված թյուր պատկերացումները: Այդ պրոպագանդան դեր խաղաց նաև հայ-մակեդոնական համերաշխությունը ամրապնդելու գործում: Ժնևում, Փարիզում, Լոնդոնում, Միլանում, Բեռլինում և այլ կենտրոններում հայ, բուլղար և մակեդոնացի ուսանողները միացյալ ուժերով կազմակերպում էին երեկոներ, դասախոսություններ, ժողովներ՝ նվիրված հայ-մակեդոնական պայքարի պաշտպանությանը: Համերաշխությանը և ինտերնացիոնալ համագործակցությանը նպաստում էր Պիլո Բիլարի հրատարակած «Pro Armenia» լրագիրը: 1901—1903 թթ. մակեդոնական շարժման բուռն վերելքի տարիներին նրա ղեկավարներ Սարաֆովը, Լիապովը, Գարվանովը, Թյուֆիկչիեը, Չակալարովը և ուրիշներ սերտ համագործակցության մեջ էին հայ ազատագրական շարժման ղեկավար գործիչների հետ, ձեռնարկում էին համատեղ գործողություններ:

1904 թ. ամռանը Ամենայն Հայոց կաթողիկոս Մկրտիչ Խրիմյանի հանձնարարությամբ արքեպիսկոպոս Հովսեփ Սարաճյանը (Ամերիկայի թեմական առաջնորդ) և Սահակ արքեպ. Այվատյանը (Պարսկաստանի և Հնդկաստանի թեմական առաջնորդ) դիմումներ են ներկայացնում մեծ տերությունների կառավարություններին՝ հիշեցնելով հայկական բարենորոգումների խոստաց-

դել հայ-մակեդոնական համերաշխ պայքարը թուրքական բռնակալության դեմ: Ազդեցականություն չորս հրապարակներում Սալիկ փաշան կանգնեցրել էր մասնավոր «անարգանքի սյուները»: Մահապարտներն էին Պետրոս Սերեճյանը (Ֆիլիպպե քաղաքից), Օնիկ Թորոսյանը (Ռոզոստո քաղաքից), մակեդոնացի Ավետիսյավ Միրիջանովը (Ժնևի համալսարանական) և Բրիտոտ Հաջի Իլերը: Մահապարտից առաջ Պետրոսը դիմելով թուրք ղահիճներին, ասել էր. «Այո, ես հեղափոխական եմ, մի սոսանաք, որ ես այստեղ ներկայանում եմ իբրև զազափարի ներկայացուցիչ, ինձ կկախեք, բայց զազափարը կախել չեք կարող»: Ապա՝ ինքն իր պարանոցն էր հագցրել մահվան օղակը և հրել ավտոր («Մուրճ» № 9, 1903, էջ 263):

ված ծրագրի իրագործման անհրաժեշտության մասին³²։ Հուլիսի 16-ին կաթողիկոսի այդ պատվիրակներին ընդունում է Ֆրանսիայի պրեզիդենտ Լուրենսը և նշում, թե Ֆրանսիան համակրանքով է վերաբերվում հայերի պահանջին, միաժամանակ հայտնում, որ իր երկիրը մենակ չի ստորագրել Բեռլինի պայմանագիրը։ Անտարբերությունն են դրսևորում հայկական պատվիրակության ղեկավարների նկատմամբ նաև Անգլիայի և մյուս երկրների կառավարությունները։

1906 թ. հուլիսի 25-ին Բելգիայի պառլամենտի անդամ Ժորժ Լորանը, պետություններին զբաղեցնող խնդիրները քննարկելու նպատակով, Լոնդոնում գումարված միջպառլամենտական միջազգային կոնֆերանսում բարձրացրեց հայկական խնդիրը, առաջարկելով հարց հարուցել, որպեսզի Բեռլինի պայմանագիրն ստորագրած պետությունների Դեսպանական մշտական խորհուրդը միջոցներ ձեռք առնի 61-րդ հոդվածը կենսագործելու համար³³։ Լորանը հիշեցնում էր, որ մի շարք միջազգային պայմանագրեր, որոնց տակ զբղված են մեծ տերությունների և Թուրքիայի ստորագրություններ, տակավին մնում են «անգործության մատնված», մինչդեռ Թուրքիայի քրիստոնյա հայատակ ժողովուրդները, որոնց մասին խոսում են այդ պայմանագրերը, չեն վայելում «քաղաքակիրթ կյանքի տարրական պայմանները» և մատնված են ամեն տեսակի զազրելի կամայականությունների ու սարսափների։ Լորանի առաջարկությունը կոնֆերանսի կողմից ընդունվեց միաձայն, բայց որոշումը գործնական նշանակություն չունեցավ, քանի որ մեծ պետությունների շահերի միասնություն չկար 61-րդ հոդվածն իրականացնելու խնդրում։

Պիեռ Փիլարի և Վիկտոր Բերարի ղեկավարները նույնպես ուշադրության չարժանացան դեսպանաժողովի կողմից։ Մեծ պետությունների ներկայացուցիչները բավարարվեցին միայն ոչ պաշտոնական հանդիպումներ ունենալով հայ պատվիրակների հետ։

Հայ պատվիրակները Լոնդոնից վերադարձան ձեռնունայն։ Մ. Խրիմյանը, սակայն, հույսը չէր կտրում «քաղաքակիրթ Եվրոպայից», մանավանդ Անգլիայից։ Նա հատուկ զիմում է հասցեագրում Անգլիայի թագավորին, վարչապետին և արտաքին գործերի մինիստրին, խնդրելով իրենց ձեռքը վերցնել հայկական բարենորոգումների իրագործման նախաձեռնությունը, 1907 թ. նոյեմբերի 11-ին Մեծ Բրիտանիայի արտաքին գործերի մինիստր Գրեյը բացասական պատասխան է տալիս։

Հայկական հարցը մեծ տերությունների համար սոսկ մի միջոց էր՝ սուլթանից արտոնություններ կորզելու համար։ Այս ճշմարտությունը քաջ հայտնի էր ոչ միայն «երկաթե շերեփի» քաղաքականության բանաձևողին՝ Խրիմյանին, այլև հայ ազգային-ազատագրական շարժման մյուս ղեկավար գործիչներից շատերին։ Եվ, այնուամենայնիվ, նրանք առիթը բաց չէին թողնում նորանոր զիմումներ հղելու իմպերիալիստական մեծ պետությունների կառավարություններին։ Նման իրադրության պայմաններում հազիվ թե հնարավոր էր արհամարհել մեծ տերությունների ազդեցության նշանակությունը

³² Տճ՝, ՀՍՄԸ ԿԳՊԱ, ֆ. 56, ց. 1, գ. 387, քք. 23—26, 27—28, 32—33, գ. 338, քք. 2—3, ք. 15, 37.

³³ Տճ՝ «Երկրի ձայն», № 2, 1906, էջ 2:

Թուրքիայի վրա, ճիշտ այնպես, ինչպես որ չէր կարելի չպայքարել սուլթանական բռնատիրության դեմ, որքան էլ անհավասար լինեին ուժերը: Դա պայքար էր հայ ժողովրդի ազատագրության համար, մի անհավասար պայքար, որ հայերին պարտադրել էր թուրքական արյունոտ տիրապետությունը:

• • •

Դաշնակցության ղեկավարությունը, կառած մնալով ազատագրական շարժման գործում եվրոպական պետությունների օժանդակությունը հայցելու և այդ նպատակով ցուցարարական գործողություններ կատարելու իր տակտիկային, ձեռնարկում է նաև սուլթան Աբդուլ Համիդ II-ի դեմ մահափորձի գործը: Ահաբեկչական գործելակերպը նորություն չէր այդ կուսակցության գործունեության զինանոցում: Քրիստափոր Միքայելյանի կարծիքով նախատեսված ակտն էական դեր էր խաղալու, և նա անձամբ ստանձնեց ահաբեկչական այդ գործողության կազմակերպման պատասխանատվությունն ու ղեկավարությունը: Այդ մասին հատուկ որոշում էր քնդուներ ղաշնակցության Սոֆիայի (Երրորդ) համագումարը 1904 թ.:

Ձեռնարկվում էր մի գործ, որին մասնակցում էին ոչ միայն հայերը, այլև հայկական դատին համակրությամբ վերաբերվող տարբեր ազգությունների ներկայացուցիչներ՝ բելգիացի Ժոզիսը, Սիլվիո-Ռիշլին, գերմանացի Սոֆի Ռիպսը և ուրիշներ: Հատկապես տոնական օրերի համար ուսումնասիրվել էին սուլթանի պալատական շքախմբի երթուղին, կրոնական արարողությունների տեղությունը և այլն: Միքայելյանը Սամուել Ֆայն անվան տակ ծալված ղեկավարում էր այդ ահաբեկման նախապատրաստումը, ազատ մուտք գործելով պալատի պարիսպներից ներս և դիտելով տոնական արարողությունները: Սակայն նա սպանվեց 1905 թ. մարտի 17-ին, Սոֆիայից ոչ հեռու, Վիտոլ լեռան լանջին ուռմբի փորձարկման ժամանակ:

Այնուամենայնիվ Աբդուլ Համիդի կյանքի դեմ նախապատրաստված այդ մահափորձը կատարվեց 1905 թ. հուլիսի 21-ին, սուլթանական պալատի պարիսպների ներսում: Դժոխսային մեքենայի պայթյունը հարմարեցված էր մրդկիթից սուլթանի դուրս գալու և կառք նստելու պահին հետ: Պայթյունից սպանվեց և վիրավորվեց շուրջ 100 մարդ: Բայց կույր պատահականությունը փրկել էր սուլթանի կյանքը: Մզկիթից դուրս գալու պահին նա հապաղել էր՝ զրույցի բռնվելով շեյխ-ուլ իսլամի հետ:

Մահափորձը լայն արձագանք գտավ եվրոպական հասարակայնության շրջաններում և մամուլի էջերում: Համենայն դեպս սուլթանի փրկվելը միայն ամփոսանք հարուցեց: Եվ երբ Բելգիայի պառլամենտում արտաքին գործերի մինիստրը փորձեց դատապարտել դավադիրներին, հիշելով ասացվածքը, թե «մարդկային անձը սուրբ է, անբռնաբարելի...», պատասխան ճառով հանդես եկավ սոցիալիստ Վանդերվիլդեն, հայտարարելով, թե մարդկային անձի սրբությունը հավատամքը կապ չունի Աբդուլ Համիդի անձի հետ, քանի որ նա «բռնակալ է և իրեն դուրս է գրել մարդկության շրջանակներից»:

Մահափորձից հետո Աբդուլ Համիդն ավելի սաստկացրեց բռնությունները, հրամայեց բանտարկել նույնիսկ գահաժառանգ Ռեշադին: Չերբակալվե-

ցին պայտականներ, ոստիկաններ: Մասնայական հետապնդման ենթարկվեցին հայերը, բուլղարները, մակեդոնացիները, արաբները, եվրոպացի անարխիստները, անգամ երիտթուրքերը: Համիդյան ոստիկանության ձեռքն ընկած «Զինգեր» ընկերության ծառայող ժողիւր հրաժարվեց տալ իր հայ զործակիցների անունները և հայտնեց միայն զոհվածների անունները: Նա դատապարտվեց մահվան, բայց բելգիական կառավարության միջամտությամբ ազատվեց և վերադարձավ հայրենիք:

1905 թ. բուրժուադեմոկրատական առաջին հեղափոխությունը Ռուսաստանում խորապես ազդեց միջազգային հասարակական ու քաղաքական մտքի վրա, խթանելով ազատագրական-հեղափոխական շարժումները մասնավորապես Արևելքի գաղութային և կախյալ երկրներում, հեղաբեկում առաջացրեց նաև հայ հասարակական-քաղաքական կյանքում: Դա փոթորկալից մի շրջան էր, մտքերի ու հայացքների բախման, բյուրեղացման ժամանակաշրջան:

Դաշնակցություն և հնչական կուսակցություններն ապրեցին ներքին խոր ճգնաժամ: Դաշնակցության առանձին անդամներ և խմբեր հրապարակորեն հայտարարում էին կուսակցությունից հեռանալու մասին, հարելով ռուսական սոցիալ-դեմոկրատիայի երկու թևերին կամ համալրելով էսեռական կուսակցության շարքերը, շարժման ներսում հանդես եկան «զուտ սոցիալական» պայքարի կողմնակիցներ՝ գտնելով, որ կուսակցությունը մի ղեկավար կենտրոն չպիտի ունենա, այլ միմյանցից անկախ և ինքնուրույն գործող կենտրոններ՝ Թուրքիայում և Ռուսաստանում, աշխատելով համաթուրքական և համառուսական սոցիալական հեղափոխությունների հաղթանակի համար: Կուսակցության ներսում հանդես եկան նաև «զուտ ազգային» հողի վրա պայքար մղելու շատագույներ՝ միհրանականները:

Պառակտման խորացման փաստի առջև էր կանգնած նաև հնչական կուսակցությունը: 1905 թ. սեպտեմբերին Փարիզում կայացած 5-րդ համագումարը անվավեր հայտարարեց ղեկավարության՝ Նադարեկի, Խանադատի, Ալեքսաշյանի, Տաշիրի (Ս. Հովսեփի), Եփրեմ Կաճարյանի կողմից ուղարկված շրջաբերականը, որով տարբեր երկրներում կուսակցության գործունեության համար նախատեսվում էր տարբեր տակտիկա: Շրջաբերականում առաջարկվում էր կուսակցությունը բաժանել երկու հատվածի՝ զուտ սոցիալ-դեմոկրատական՝ Ռուսաստանում գործելու համար և ազգային՝ Թուրքիայում գործելու համար: Սրանք իրենց անկախ ղեկավար կենտրոններում պետք է միմյանց հետ կապված լինեին միայն նյութական փոխադարձ օգնությամբ: Հնչական կուսակցությունն ամբողջովին նվիրված պետք է լիներ արևմտահայության դատին, գործունեություն միակ ասպարեզ ունենալով Արևմտյան Հայաստանը, շմասնակցելով Ռուսաստանի շարժումներին, իսկ Ռուսաստանում և Կովկասում հնչական կազմակերպությունները պետք է զաղարեին «հնչական» կոչվելուց, ձուլվելով տեղական սոցիալ-դեմոկրատական կազմակերպությունների հետ³⁴:

Համագումարը հիշյալ շրջաբերականի մեջ նշմարեց կուսակցությունը կազմալուծելու վտանգ և որոշեց մերժել այդ ուղեգիծը, հավատարիմ մնալով նախկին ծրագրին՝ այսինքն Կովկասում վարել «միջազգային հեղափոխական»

34. Տե՛ս «Հիսնամյակ...», էջ 203 (Փրովխանա, 1938):

գործունեություն, իսկ Թուրքիայում՝ պայքարել քաղաքական ազատագրման համար, հիմնավորված «ամբարսխատական սկզբունքներով»³⁵։ Թե ինչ էր հասկացվում «ամբարսխատական սկզբունքներ» ասելով, երևում է 1910 թ. 4. Պոլսում կայացած կուսակցության 6-րդ համագումարի հաստատած «վերանորոգված ծրագրից»։ Կուսակցության նպատակը համարվում էր սոցիալիզմը։ Քաղաքական ալլ ուժերի հետ միությունը հնարավոր էր համարվում, եթե հնչակյան կուսակցության հետ միանալ ցանկացող կազմակերպությունն ընդուներ «նաև ազգերի պատմա-անհատական գոյության իրավունքը, հնչակյան կուսակցության ամբողջությունն ու անունը»։ Անհրաժեշտ էր համարվում մասնակցել Կոպենհագենում հրավիրվելիք միջազգային սոցիալիստական կոնգրեսին։ Համագումարը մերժեց անհատական ահաբեկումը և էքսպրոպրիացիաները, որպես պայքարի միջոց։ Հոգային հարցում պաշտպանում էր հողի մուներիսիպալիզացիայի սկզբունքը։ Թուրքիայի սահմանադրական պետության նկատմամբ մերժվում էր նախկին անջատողական ծրագիրը։ Մերժվում էր նաև օսմանացման քաղաքականությունը և պաշտպանվում էր ազգերի ինքնավարության իրավունքը³⁶։

Հինգերորդ համագումարից հետո նազարեկը, Խանազատը և ուրիշ ղեկավար գործիչներ հեռացան կուսակցությունից։ Կովկասում նրանք իրենց կողմնակիցներով ի վերջո որոշեցին առաջիմ շմիանալ ոչ մի կուսակցության, ընդունել ՌՄԴԲԿ-ի ծրագիրն ամբողջությամբ և մնալ «իներտություն», մինչև որ կհարթվեին բոլշևիկների և մենշևիկների տարաձայնությունները³⁷։

Իսկ ի՞նչ ուղղությամբ էին գործում սուլթանական միահեծանության դեմ պայքարող Թուրքական ընդդիմադիր ուժերը։ Այդ երևում է երիտթուրքերի «Միություն և առաջադիմություն» կազմակերպության օրգան «Մեշվերեթի» խմբագիր Ահմեդ Ռիզա բեյի «Հայկական կոչը» վերնագրով հոգվածից, որը հրապարակվել էր Թերթի 1906 թ. հոկտեմբերի 1-ի համարում։ Ըստ էության, տարակարծիք չլինելով սուլթանի հետ, «հեղափոխական» Թուրք մտավորականը նույնպես հայկական ամեն մի ընդվզում, հայ կոմիտեների յուրաքանչյուր քայլ որակում էր որպես «հարված երկրին», ամեն մի քննադատական խոսք տիրող բարբարոսական կարգերի հասցեին՝ որպես «անարդար տեսություն դեպի Թուրքերը»³⁸։ Ահմեդ Ռիզան փաստորեն դատապարտում էր հայերի ազատագրական ձգտումները։ Եվ երբ մեկ տարի անց՝ 1907 թ. դեկտեմբերին դաշնակցությունը երիտթուրքական «Միություն և առաջադիմություն» կուսակցության հետ գնաց Թուրքիայի ընդդիմադիր կուսակցությունների Փարիզի համագումար³⁹, մասնակցեց 1908 թ. հեղաշրջմանը, այնուամենայնիվ, «համաթուրքական ընդհանուր հեղափոխությունը» չարգահեց իրենց նրանից մեծ ակնկալություններ սպասող գործիչների հույսերը։

35 Նույն տեղում։

36 ՏԷՍ նույն տեղում, էջ 247։

37 ՏԷՍ նույն տեղում։

38 «Երգրի ձայն», № 2, 1906, էջ 13։

39 Համագումարին, բացի երիտթուրքերից ու դաշնակցությունից, մասնակցում էին նաև «Աղայեկետրոնացման և նախաձեռնության օսմանյան լիգա» կազմակերպությունը՝ իշխան Սաբահեդդինի գլխավորությամբ, Եղիպտոսից՝ հրեական «Ավներա» և արաբական «Հալֆեթ» կազմակերպությունները, հայկական «Արմենիա», «Հայրենիք» և «Ռազմիկ» Թերթերի խմբագրությունները և այլ կուսակցություններ (չորս 10 կազմակերպություն)։

Եվրոպական և ռուսական համալսարաններում սովորող հայ երիտասարդության միջավայրից ասպարեզ իշան նաև այնպիսիները, որոնք ազատագրական-հեղափոխական շարժմանը հարելով, սկսեցին քարոզել խեղաթյուրված սոցիալիստական գաղափարներ։ Սրանք եղան, այսպես կոչված, «Նոր սերնդականների» շարժման սկզբնավորողները և՛ արևելահայության, և՛ արևմտահայության աշակերտական-ուսանողական միջավայրում։ Վանի երկու ղեկավարների (Նրամյան և Կենտրոնական վարժարանների) շրջանավարտներից՝ Մանվել և Բարունակ Կապուտիկյանները, Գալուստ էյնաթյանը, Արամ Սաֆրաստյանը, Խոսրով Խանջյանը և ավելի կրտսերներից Պարզև Պանիրյանը, Մանուկ Ասլանյանը, Տիգրան Զրբաշյանը և ուրիշներ հրապարակեցին «Երկունք» խմբատիպ ամսագիրը, թուցիկներ ու «Տեղեկատվություն»։ 1906 թ. աշնանից սկսեցին հրատարակել «Նոր սերունդ» անունով ամսաթերթը, իսկ մոտ մեկուկես տարի անց՝ «Հայացք» թերթը։ Նրանք ներմուծում էին արգելված գրականություն, սոցիալիստական արմատական և մանրրորժուական բովանդակությամբ։ «Նոր սերունդ» թերթը մեծ շփոթ և իրարանցում սերմանեց այսպես կոչված «ծախ» սոցիալիստական իր գաղափարաբանությամբ։ «Նոր սերնդական» ուղղության ծայրահեղությունները խիստ քննադատում և մերժում էր «Հայացքի» շափավոր ուղղությունը, որը գլխավորում էին՝ Խլաթյանը, Մկրտիչ Մեռչյանը, Դավիթ Փափազյանը, Նազարեթ (Ալյուր գյուղից), զրական կնդանունը՝ Կարեն-Սուրեն), Մաղաքյան Արմենակը, Աշխանը, Արսեն Հացագործյանը, Օնիկ Վարդանյանը և ուրիշներ։ Մի երրորդ ուղղություն էլ՝ Մելիքսեղեկ էյնաթյանի գլխավորությամբ փորձում էր հաշտեցնել առաջին երկու հոսանքները։

Հնչակյան երիտասարդության միջավայրում «Նոր սերնդականների» շարժման ակտիվ ներկայացուցիչներից էին Արսեն Կիսուրը, Զեյթունյանը, Դալիկյանը, Վեսպիրը (Վանից), Արտաշես Տիրացյանը, Հեղուարդ Չոփուրյանը, որոնք գործում էին Փոքր Հայքի կենտրոններում, Կ. Պոլսում, Պարսկաստանի հայաբնակ վայրերում։ Սրանք էլ ունեցել են իրենց տպագիր օրգանները՝ «Կայծ», «Պայքար» (Թավրիզում), «Մեղու» (Պարսիզակում) և այլն։

Գաղափարական այդ հոգիներ թափանցում էին նաև Վասպուրականի, Էրզրումի, Բիթլիսի, Կիլիկիայի հայ գաղառները։ Աղթամարի աշակերտությունն էլ ունեցավ իր թերթը՝ «Կոիլը», որն ավելի մոտ էր «Հայացքի» ուղղությանը, իսկ Շատախի «Տիգրիսը» և «Ծովակը» մասնակիորեն ընդունում էին «Նոր սերնդի» հայացքները։

Ստեղծված իրադրությունում առավել գործնական և հուսալի ուղեգիծը հայկական շարժման համար, անշուշտ, հայ ժողովրդի ինքնապաշտպանության գործի լավ կազմակերպման, ազգային երկպառակությունների վերջ տալու, ազգային ուժերի համախմբման և համագործակցության ուղեգիծն էր։ Այդ բանը դեռ իր ժամանակին գիտակցում էին հայ ազատագրական շարժման առանձին գործիչներ։ Տրիպոլիսի արսուրավայրից փախած և Փարիզ անցած Համարձում Պոլաճյանը (Մեծն Մուրադը, ծնվ. 1860, զոհվ. 1915 թ.) 1906 թ. մայիսին հրապարակեց իր հայտնի կոչը, որով դիմում էր հնչակյան և դաշնակցական բոլոր կազմակերպություններին, առաջարկելով վերջ տալ ներկուսակցական շահերը համազգային շահերից վեր դասելու արատավոր գործնականության, հրավիրել միջկուսակցական համագումար, միավորել բոլոր

ուժերը՝ միասնական ճակատով պայքարելու ժողովրդի ազատության մեծ գործի համար: Բայց զաղափարական ու քաղաքական հայացքների շփոթը, կազմակերպական տարանջատության արգելքը հաղթահարելու ուժ չունեցան հայ ազգային քաղաքական կուսակցությունները: Ներազգային համերաշխության միասնական ճակատ ստեղծելու հարցում զրոսերովում էր այդ կուսակցությունների սահմանափակ մտայնությունը:

1908 թ. արևմտահայության միջավայրում արմենական կազմակերպության հիմքի վրա ձևավորվեց մի նոր քաղաքական կուսակցություն, որը հանդես եկավ «Հայ սահմանադրական ուսմկավար կուսակցություն» անունով: Կուսակցությունն իր ծրագրային պահանջները ձևակերպելիս ելակետ էր ընդունել արևմտահայության սահմանադրական բուրժուական պառլամենտարիզմի սկզբունքները, նպատակ ունենալով դրանք «պատշաճել Թուրքիո իրականությանը»⁴⁰:

Կուսակցությունն իր հիմնադրման մասին պաշտոնական հայտարարության մեջ նշել էր, որ թեկուզ և զիջումների գնով, պետք է ձգտել զլուխ բերելու անջատ դործող քաղաքական կուսակցությունների ջանքերի միավորումը՝ Արևմտյան Հայաստանում վարչական բարենորոգումներ մտցնելու համար, հիմնված եվրոպական պետությունների կողմից ճանաչված միջազգային դաշնագրերի վրա»⁴¹: Բայց շուտով փորձը ցույց տվեց, որ այդ կուսակցություններից ոչ մեկն ի վիճակի չէր հայ ժողովրդի ազատագրության գործը ղեկավարելու և արդյունավետ վախճանի հասցնելու համար:

5. ԺՈՂՈՎՐԴԱԿԱՆ ՇԱՐՈՒՄՆԵՐԻ ՎԵՐԵՎՔՆ ԱՐԵՎՄՏՅԱՆ ՀԱՅԱՍՏԱՆՈՒՄ 1905—1908 թթ.

1905—1907 թթ. ռուսական առաջին բուրժուազեմոկրատական հեղափոխությունը խոր ազդեցություն թողեց Եվրոպայի ու Ասիայի մի շարք երկրների հեղափոխական-ազատագրական պայքարի զարգացման վրա: Վ. Ի. Լենինը նշում էր, որ «1905 թ. ռուսական շարժումից հետո ղեմավարական հեղափոխությունն ընդգրկել է ողջ Ասիան՝ Թուրքիան, Պարսկաստանը, Զինաստանը: Ահում է խմորումն անգլիական Հնդկաստանում»⁴²:

Իմանալով Պետերբուրգի իրադարձությունների մասին, Արդուլ Համիդը ձեռնարկեց մի շարք միջոցառումներ, որպեսզի հեղափոխական տրամադրությունները Ռուսաստանից շթափանցեն Թուրքիա: Նրա անձնական քարտուղարի վկայությամբ, սուլթանը կորցրեց բունը, երբ իմացավ, որ «Իշխան Պոտլումկին» զրահանավթ կարմիր դրոշակ պարզած, լողում է Սև ծովում: Համիդը կարգադրեց թույլ չտալ, որ «խռովարարները» մտնենան թուրքական ափերին, մասնավոր ահցնել, Բոսֆոր-Գարդանեղով»⁴³: Բայց հակառակ նրա ցանկության, ռուսական հեղափոխությունը ներթափանցում էր Թուրքիա ու բռնակալության դեմ ոտքի հանում ճնշված ու կեղերված զանգվածներին: Այն

40 Արտակ Գաբրիելյան, Հայ ազատագրական շարժման օրերին, Փարիզ, 1942, էջ 192:

41 Նույն տեղում, էջ 186:

42 Վ. Ի. Լենին, ԵԺ, հ. 23, էջ 177:

43 Ю. А. Петросян, Младотурецкое движение, М., 1971, стр. 271: